



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.15. Viri Sancti in Aula Clotarii.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

§. XV.

Sæculum VII

A. C. 614.

Viri Sancti in Aula Clotarii.

Rex Clotarius illa ætate non nullos Viros Sanctitate conspicuos in Aula sua habebat, quales erant S. Arnulphus, S. Romaricus, S. Desiderius, S. Faro, & S. Goericus. S. Arnulphus ex Gente Francorum nobilissimis & opulentissimis Parentibus natus, puer litteris humanis apprime imbutus, ad Theodeberti Aulam missus, & Giundulfi Palatio Præfecti regimini traditus est, ubi in arte res bene gerendi ita profecit, ut brevi secundum a Rege gradum obtineret, & administrandis sex Dynastiis, quibus viri sex Domestici dicti antea præficiantur, solus sufficeret. Rei bellicæ quoque peritus erat, & hæc non oberant, quin nihilominus sæpe orationi vacaret, jejunaret, & pauperibus opitularetur. Conjugem sibi elegit Virginem nobili prosapia ortam, Dodam nomine, ex qua duos filios Clodulfum & Ansegisum suscepit. Arnulphus familiari consuetudini Romarici viri potentis & eidem Regi Theodeberto addicti adsueverat, & ambo propositum sibi habebant, relinquere omnia, & ad Monasterium Lerinense convolare; sed Deus de his viris aliud decreverat.

Aet. SS.

Ben tom. 2.

p. 150.

Ambo ad Servitium Clotarii Regis

Hist. Eccles. Tom. VIII. Uu trans-

Sæculum VII transierunt; cumque anno primo, quo
 A. C. 614. defuncto Papulo vacasset, populo una
ib. p. 417. V. voce S. Arnulphum in Episcopum sibi po-
S. Rom. n. 4. stulante Episcopatum suscipere, quam-
ib. p. 1044. V. vis laicus esset, compellitur. Id anno
S. Clod. n. 2. 614. factum credunt. Doda Treviros se
 recepit, & Sanctimonialium velamen
 expetiit. S. Arnulphus etiam postquam
 ad Episcopi munus assumptus fuit, Aulam
 Regis Clotarii, nemini Rege excepto se-
 cundus, sequebatur invitus; at multo
 largior quam antea in egenos fuit; unde
 factum, ut pauperes etiam ex remotis Re-
 gionibus ad eum confluerent. Quandoque
 integro triduo nullum omnino cibum ca-
 piebat, nec alia alimenta quam panem
 ex hordeo & aquam sumebat. Sub ve-
 stibus autem semper cilicium gestabat.

Coint. a. 614. S. Goericus cognomento Abdon S. Ar-
n. 39. n. 38. nulpho sanguinis propinquitate junctus
 eidem in Episcopatu Metensi successit.
 Dum in Aula Regis Clotarii versaretur,
 amicitiam impense colebat Sancti Desi-
 derii Ærario Regis præfecti, Albigæ na-
 ti, qui in eadem Aula duos Fratres Ru-
 sticum & Syagrium habebat. Eorum No-
 mina satis produnt, Romanos fuisse. S.
 Desiderius Vir doctus, rebus gerendis
 aptus, laboris amans, nunquam otio-
 sus, cum Monachis & Viris Pietate insi-
 gnibus conversari amabat.

S. Faro

S. Faro filius erat Chagnerici Opti-
matis, pii illius Viri, qui S. Columba-
num in Regionem Brianam proficiscen-
tem susceperat. Is cum primum in Aula
Theodeberti serviisset, deinde secutus
est Regem Clotarium, cui a consiliis fuit,
& omnium afflictorum refugium. Frater
ejus Chagnoaldus Luxovii Monachus &
deinde Episcopus Laodunensis fuit. So-
ror eorum S. Fara ab infantia manibus S.
Columbani Deo consecrata Monasterium
fundavit, dictum tunc Eboriacum, cujus
prima Abbatissa extitit, & hodie adhuc
florens Faramonasterium appellatur.
Hanc Sanctam Foeminam Veteres Bur-
gundofoam, seu nobilem ex Burgundia,
appellabant.

Sæculum VII
A. C. 614.

Act. SS. t. 2.
p. 612.
Sup. n. 7.

Act. SS. t. 2.
p. 438.
Sup. II.

§. XVI.

S. Lupus Senonensis.

Sanctus Lupus Archiepiscopus Senonen-
sis Sigerici junioris Partes, mortuo
Theodorico Parente ejus, quamdiu po-
tuit, defendit; cumque Clotarius Bur-
gundiæ possessionem capiens misisset co-
pias, quæ Civitatem Senonensem inva-
derent, S. Lupus Ecclesiam Cathedra-
lem S. Stephano dedicatam ingressus cam-
panam pulsavit, ut concurreret populus,
quo facto milites tantus terror turbavit,
ut nihil nisi fugam cogitarent. Burgun-
dia tamen in potestatem suam redacta.

V. ap. Sar. t.
Sept. Coint.
an. 613, n. 4.

U u 2

Clota-